

衢州文獻集成

〔史部〕

第
89
冊

衢州文獻集成

黃靈庚 諸葛慧艷

主編

〔史部〕

第
89
冊

國家圖書館出版社

第八九冊目錄

甘肅鎮考見略不分卷

(明)周一敬撰

明崇禎十二年(1639)刻本

..... 一


〔康熙〕新修南樂縣志二卷

(清)方元啓修 (清)魏若潛纂

清康熙十年(1671)刻本

..... 一〇五

甘肅鎮考見略明周一敬撰刻於
崇禎間社屋不過五年事矣



甘肅鎮考見略引

凡邊以衛腹也甘肅於邊爲九之一于西邊之鎮爲四

之一跨河東西凡要地有九曰甘曰肅曰涼曰莊浪曰

西寧而靖虜蘭州與洮河二州並飭邊備焉

一敬自

崇禎之丁丑以

使事歷其地蓋衡吏治諏民隱平重讞詰姦貪試士閱武
之外則風土錢穀勾覈因之矣歲戊寅乃西抵張掖目
擊邊事愾然興感誠以目之所見不如耳之所聞或人
將叩以所聞敢謬應以一無所見况瞶矇昏嫠旣不任

受則有身以履之參稽且問而日誌之山川不盡歷而
形勢概焉士馬芻糗不盡歷而營衛概焉功罪賞罰不
盡歷而撫剿概焉有其大略無其精詳匪敢爲略也卽
考見所及得其略則略之而已仲尼曰飽食終日無所
用心難矣哉不有博奕者乎爲之猶賢乎已敬之括甘
肅之隳者或黽勉以無曠歲月愧此飲食焉略考見之
臆止於此而使者之所有事則不止於此時更丁戊歲
在己卯矣以二月朔之癸巳記于首簡

信安周一敬手書

甘肅鎮考見略

目次

形勢

營衛

兵馬

附見

錢糧

附見

剿撫

附見

沿革

驛道

附見

賞罰

附見

形勢考見略

目次

莊浪

涼州

甘州

肅州

西寧

爲河西五郡

蘭州靖虜衛洮州河州

皆河東衛分實與河西形勢相倚焉故附
列之餘郡邑不悉附

莊浪形勢考見略

略邊務而首形勢以人也者形勢之用也因形立勢存乎其人故形勢建而百爲舉矣述莊浪形勢

自蘭州浮渡而西歷金城關苦水紅城子堡有城鬼然則莊浪道轄計衛分城堡凡十四東自沙井雙墩子西竟鎮羌烏稍嶺北起裴家阿壩東南盡西大通虜中銀套諸酋雜穴其間隆萬中款市招致賓酋盤踞內地因就近築邊取額內屯牧墳地并三層墩臺而悉捐之虜旣偪處肘腋莊疆僅餘一線岌岌守防形要單弱甚矣萬曆二十六年

撫臣田樂出兵恢復僅拓故地四百里內剖大小蘆塘以屬固原靖虜剖紅水三眼井以屬臨鞏剖大靖城阿壩嶺土門以屬涼州虜雖遠去然形分勢裂胡馬易窺今如鎮羌之人頭峴分水嶺界滿西大通之掌吉兒壑峴則海虜必犯之要路也如阿壩之大小青陽水雙黑山擺言兔則松套諸酋屯住之穴也蘆塘紅水邊圯不修則無隘可防又莊浪懦將激叛降丁聲息外洩套虜時闖松山生番橫掠過客無一人聲討者豈今地廣于昔反嗟邊濶之難控新設各營反誘叛丁之勾掠哉將不能任而綢繆或踈非

形勢之失也

考舊撫臣徐廷章以甘肅所屬莊浪地方最爲衝要疏請以魯鑑同趙英協力操練遇警相機戰守則選能幹指揮或守備守紅城子堡今則視正順年間番騎肆剽急在鎮羌岔口得人尤要矣

考舊兵部尚書王復以甘肅所屬地方雖遠近不同然自永昌迤西與西寧鎮番頗有險隘可據賊亦不敢久留莊浪雖有通賊路徑山密地狹軍馬頗易戰守惟涼州地方四際散漫緊關衝要最先受敵又兼水草便利

賊一入境經年不出往歲虜犯本城止是一衛軍馬戰
守不敷不免差人遠調甘肅官軍策應相去六七百里
爲虜邀遮未能卽至比到人馬疲敝緩不濟事所以往
往損兵悞事請摘甘州五衛正軍之外餘六七丁者除
供給聽繼外中間有願投軍者招集四五千名編成一
衛立于涼州填實地方仍摘撥指揮等官名曰涼州中
衛是又天順年間涼急而莊緩矣

成化間甘肅巡撫唐瑜奏以虜寇出沒莊浪者多自東
北而來其寇掠永者則滿都魯部下寇甘肅者則亦思

馬因酋部下也虜之出沒路徑旣多我軍惟蘭州一路
不據而守使虜知先據河橋則我之援餉俱絕爲今之
計宿重兵于蘭州加輕兵于古浪鎮番鎮夷高臺等處
而又嚴備肅州且遣人往諭諸酋因之招誘毋令東行
爲我邊患則戰守居晏矣敬竊謂虜多自東北入莊今
昔無異而臯蘭

桐封在焉近止守備率一二百人守之扼橋援莊旣不足
恃乃虜時自蘆塘突積積等堡誰出一騎禦之者爲莊
計似首應嚴備蘆塘也

京營指揮使顏玉自甘肅還奏六事內一曰蘭州距陝
一千四百餘里鎮守將臣每冬于蘭州防守倏往忽來
人無固志宜令恒駐蘭州西應莊浪東保河橋北爲固
靖聲援又曰莊浪至蘭二百餘里其間止有土堡四座
兵衛寡弱虜嘗乘其無備入境剽掠請增築苦水灣驛
堡廣資儲置守備及考

副總兵魯經奏云回夷猖獗莊浪孤危全省門戶惟賴
蘭州似守蘭以援莊輿言一轍矣

嘉靖中御史張坪請罷莊涼遊擊以省擾費都御史楊

博以臣親歷莊浪見邊鄙荒殘行旅震懼備詢此地正
海套二虜交馳之所前撫臣趙錦議添遊兵以備阨塞
可謂至計不宜罷但區畫未詳人無固志今當移於遠
堡適中駐劄使東制鎮羗岔口以達莊浪西至黑松古
浪以達涼州而更爲計處解宇裱芻屯田暇則番休云
敬按遊兵罷而聯哨踈如博之議真定着也夫有蘭兵
則守河橋以示莊涼之援又議復遊兵嘗川巡哨使鎮
岔沙苦黑古等處番騎畏遁行旅如織河西塊土倚莊
爲咽喉莊浪一鎮借蘭爲唇齒邊腹相倚可無大虞矣